



M
S. 920^{3a} - 4^o 2

9
2

G. q. 106. a.

ODE LVGVBRIS,
 QVA
 OBITVM
 VIRI
 PRAENOBILISSIMI AC DOCTISSIMI,
 ANDREAE
 HASSKO,
 PRAECEPTORIS QVONDAM SVI-LONGE
 MERITISSIMI CARISSIMIQVE

MOESTI DEFLENT
 PRIMI ORDINIS IN PAEDAGOGIO
 BERGENSI CIVES.

MAGDEBVRGI,
 LITTERIS CHRISTIANI LEBERECHE FABRI, PRIV. TYP.

AV



Quis dolor nostras subitusque luctus
Occupat mentes, animosque turbat?
Berga cur fletu queruloque planctu
Personat omnis?

Cur cohors tristis iuuenum tremensque
Adstat & fundit gemebunda fletus,
Prodit & multis lacrymis dolorem
Mentis acerbum?

Non vagus rumor, dubiumque murmur
Fallit & terrore animos inani
Conficit; summi datur ecce iusta
Causa doloris.

Mortem adhuc cari socii dolentes
Heu! nouo luctu miseri repente
Obruti, fletus renouare tristes
Cogimur omnes.

Occidit longe grauiore casu
Occidit, plangunt iuuenes virique!
Morte PRAECEPTOR subita COLENDVS
Occidit eheu!

O nimis durum properansque fatum!
Cur VIRVM tollis, VENERANDE IOVA!
Quem pio cuncti studio piaque
Mente colebant;

Hunc VIRVM, cuius pietate nobis,
Candida vita, variisque dictis
Saepe monstrata est via, quae sequenda,
Fonsque salutis.

Saucium pectus toties dolorem
Sentit ingentem, quoties amoris
Praestiti nobis animo recurrit
Tristis imago.

Os abundabat nitidis disertum
Vocibus, suaui resonabat omnis
Schola doctrina, similisque melli
Sermo fluebat.

Ite fallaces meditationes
Turbidam mentem quibus excitare
Nitimur frustra. Refricatis alta
Vulnera nostra.

Libero iustae lacrymae per ora
Defluant cursu; simul atque mentis
Sint piae testes, gemitusque ab imo
Pectore ducti.

Quid doles autem, stupefacta Berga?
Ille, quem luges, superavit, atque
Sospitatoris pretiosiore
Sanguine vicit.

Vicit, & vivit, fruiturque veris
Gaudiis, quae iam moribundus ante
Mente gustabat, quibus amouebat
Horrida leti.

Mortis exemplum capite hinc, sodales!
Fortiter nemo nisi praeparato
Optime mortis superavit unquam
Pectore luctam.

Stet, precor, nostris oculis imago
Cara, uti quondam fuit ipse vultus,
Semper ut fixum monumentum amoris
Cordibus insit.

At vale dicunt TIBI iam supremum
Voce lugubri, trepidoque vultu,
Integra cuncti: PLACIDE QUIESCAS,
Mente precantes.

† † †

78 M 350

ULB Halle 3
001 592 122



56.

Petro V





ODE LVGVBRIS,

QVA
OBITVM

VIRI

ISSIMI AC DOCTISSIMI,

MDREAE

ASSKO,

IS QVONDAM SVI LONGE

ISSIMI CARISSIMOQVE

MOESTI DEFLENT

INIS IN PAEDAGOGIO

GENSI CIVES.

MAGDEBVRGI,

IANI LEBERECHE FABRI, PRIV. TYP.

AV

